

“Baenzlawz ndaej caeuq boux-wnq doxbeij ne! Vahsug gangj ‘Vunz beij vunz, hozhwnj yaek dai.’” Siuj Vangz naeuz, “Ndwen neix 16 hauh, gou dawz ci bae meijyungz, mwngz naeuz boux lauxbanj aencangj coih heiqci dwg byawz a! Yenzlaiz dwg boux hagseng gou, de doeg daengz 8 nienzgaep yozgiz daih’ it caengz liux couh okbae dajgoeng lo, cij 4 bi lai couh ndaej dang lauxbanj lo. Mwngz yawjyawj, gwnzbiengz seiz-neix fanj doxdaug lo, boux mbouj doegsaw ndaej dang lauxbanj, canh ndaej haujlai ngaenz, saedcej gvaq ndaej beij boux doegsaw maenh haenx ndei.”

Laux Vangz okbae le, siuj Vangz couh aeu aen bak de dam haeuj goekrwz gou naeuz: “Laux Vangz dwg boux siujyoz sij gangjbanj ndeu, aenvih de sij ndaej fwngz ci gangjbanj ndei, yangh cwngfuj yaek aeu boux guhsaeh ndeu, laux Vangz couh ndaej diuh hwnjbae dang misuh lo. De roengzrengz guhhong, cwngzciiz gig ndei, gvaq song sam bi couh ndaej daez hwnjbae guh fuyanghcangj. Mehyah de vunz geq ndang miz bingh, naxngeih de ciengzciengz bae ciuqgoq mehyah de. Moix baez laux Vangz bae ranz, de mbouj dwg bae yawj mehyah

Bingz Cizcwngh

评职称

□ Veiz Buz / 韦朴

de, dwg bae yawj naxngeih de. De bae yawj naxngeih de danghyenz mbouj miz gij saeh ndei lo! Lajmbwn mbouj miz faqciengz lawz mbouj doeng rumz. Gvaq mbouj ndaej geijlai nanz, miz vunz gauq daengz yanghfuj bae. Yanghfuj couh baij vunz bae diucaz. Gvaq cawz he, laux Vangz deng roengz daengz Yienh Samcungh. Yanghfuj hawj najmienh de gig hung ha! Hoeng, duzma gaj mbouj bae aen sibgvenq gwnhaex. De aeu son saw guh lijyouz, ciengzseiz heuh gyoengq hagseng mbwk doegsaw mbouj ndaej ma ranz de bae son. Mwhhaenx, ranz laux Vangz ciengx miz duzrwi, couh miz haujlai dangzrwi. De hawj hagseng mbwk gwn raemx dangzrwi. Baez daih’ it mbouj sug, baez daihngaih couh sug lo. Laux Vangz youh nem hwnj hagseng mbwk. Doeklaeng, laux Vangz youh deng vunz gauq, ndigah

de youh deng gyangqciz, roengz daengz aen cunghyoz raeuz daeuj. Binjdaz de cibfaen mbouj ndei, ciengzciengz deng vunz aeu de bae guh laeh gangriu.

Youq gwnzbiengz gijmaz saeh cungj miz, cijmiz gij saeh mwngz siengj mbouj daengz, mbouj miz gij saeh vunz guh mbouj daengz. Byawz rox, bi’ gvaq gij cizcwngh laux Vangz gawqyienz bingz ndaej hwnjbae lo. Byawz hix siengj mbouj daengz, gij cizcwngh de ndaej faen ceiq sang, gyoengq bingzvej bouxbou dajfaen sang hawj de caez.

Doeklaeng miz boux bingzvej he gangj gij mimiz ndawde okdaeuj hawj dou dingq — laux Vangz laebdaeb 11 bi bingz cizcwngh, gij dangjan de youq ndaw si rom hwnjdaeuj dwg boux ceiq sang. Boux bingzvej najdoi qij dangjan laux Vangz, gig youhmwz dwk

naeuz: “11 bi ne! Gyoengq beixnuengx, 11 bi ne! Guekgya raeuz dwk Yizbwnj cij aeu 8 bi, couh gyaep bing Yizbwnj dauqbae ranzcoj de lo. Gajfang Cancwngh cij yungh 3 bi lai, couh hawj laux Ciengj ndoj haeuj Daizvanh bae lo. Hoeng, 11 bi neix daeuj, laux Vangz cungj mbouj vutvat, fazyangz gij cingsaenz gwzming, bibi bauq-mingz bingz cizcwngh……Caen dwg nanzvi de lai lo, bineix lij mbouj hawj de bingz ndaej, caen dwg doi q mbouj hwnj de bw!” Gij vah boux bingzvej neix, hawj gyoengq bingzvej wnq youq ndaw bangunhsiz haenx, bouxbou dangheiq raezraez, mbouj miz byawz gij saek aennaj mbouj bienq!

Bingz cizcwngh aeu bae bungq-bungq seizheiq, caen mbouj dwg gyangngoeng loq fangzhwnz bw! Siengj daengz gizneix, danghnaeuz laux Vangz dingq gij vah siuj Vangz mbouj bauqmingz dahraix, gij cizcwngh de hix mbouj ndaej lo! Doeklaeng gou caeuq siuj Vangz mbouj miz saek di naj bae raen laux Vangz. Moix baez bungq daengz laux Vangz, dou song boux youq giz gya’ gya couh ndoj deuz lo, lumj duznou raen duzmeuz nei.

(sat)

gojsaeh iq

Liz Gij Yaeuh Gyae Di

远离诱惑

Miz aen gunghswh ndeu yaek ciu boux hai ci he, hawj gunghswh gig sang. Ginggvaq haujlai baez gaujsawq liux, lij lw sam boux gisuz ceiq ndei doxceng aen vih neix. Boux cawjgauj cam gyoengqde: “Aendat gizhaenx miz ndaek gim he, sou hai ci bae aeu, nyinhnaeuz liz aendat geijlai gyawj caemhcaiq youh mbouj hawj vunz caeuq ci itheij doek roengz aendat bae?” Boux daih’ it naeuz: “Song goengcik.” Boux daihngaih onjdada dwk naeuz: “Buenq goengcik.” Boux daihsam naeuz: “Gou yaek liz aendat gig gyae, yied gyae yied ndei.” Doeklaeng, aen gunghswh neix loegaue le boux daihsam bae hai ci.

Mbouj aeu caeuq gij yaeuh doxnem, wnggai liz de yied gyae yied ndei.

Daj bi 1966 hainduj, gij doih dagrau, sezgi caeuq caepguh duh bumwnz dienhraemx swcigh, lienz-daemh cienj daengz Lungzgyangh guhhong. Youq seiz doenghluen “vwnzgwz”, gij doih neix caeuq minzgoeng bonjdie, ciuqyiengh souj youq gwnz dieghong swheij. Daengz bi 1974, gonqlaeng guh baenz le Luzgyaz, Bazgun, Lozdungh, Lahlang 4 aen camhfatdienh gaepmbaek, daezhawj nwnzyenz hawj Cangj Gangdiet Hozciz, Cangj Sezbei Fatdienh Rengzraemx Ginhcwngz-gyangh, Cangj Danfeiz Hozciz, Meizgvangq Lozcwngz, Meizgvangq Hungzmou, Cangj Daemj Faiq Dunghgyangh, Cangj Veiznizlunz Yizsan, Cangj Gihcangz Yizsan, Cangj Gihgai Lungzgyangh Yizsan, Cangj Gingq Yizsan daengj cangj moq.

Mboujgvaq, Camhfatdienh Gaepmbaek Lungzgyangh fatdienh dauq-daej mizhanh, gij yungzliengh cungcanggi 4 aen camhfatdienh neix cij miz 10.7 fanh cienvax. Caemhcaiq,

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Ciaz Siengzcoub Liuz Giegliui Ciaz Siengzzen boiz

ae “gyaeujlungz” haifat gaepmbaek Lungzgyangh Camhfatdienh Yaggyauz, yenzlaiz dwg ciuq faisang daeuj sezgi, yungzliengh cang dien dwg 12 fanh cienvax, doeklaeng fatyienh miz congghamj, bi 1972 seizdoeng couh dingz guh lo.

Najdoi qij cingzgvang haifat Camhfatdienh Gaepmbaek Lungzgyangh caeuq gij saehsaed Guengjsae yungh dien ngoenz haenq gvaq ngoenz, gij goengdaez dinghsaeh swcigh hainduj baenggyaeuj yawj coh Dahraemxhoengz, diuz dah neix deng vunz haen guh “aen fouqgvangq” swhyenz rengzraemx Cungguek.

Dahraemxhoengz goek youq

Biengzsang Yinz Gvei, dieglae miz 13 fanh lai bingzfueng goengleix gvangq, ndaej haifat swhyenz rengzraemx daih’iek 1100 fanh cienvax, lienghfatdienh bi he ndaej 500 lai ik cienvax, dwg diuz dah dienhraemx fungfouq guek raeuz goengnyinh haenx. Najdoi qien “fouqgvangq” neix, daj 50 nienzdaeh hainduj, gonqlaeng miz Gunghcwngzgiz Suijli Cuhgyangh, Veijyenzvei Gviveh Dieglae Cuhgyangh, Yenz Sezgi Baekging, Yenz Sezgi Cangzsah, Yenz Sezgi Dagrau Suijdendingh Guengjsae, gij doih gviveh bumwnz gyaudoeng caeuq dienhraemx Guengjsae daengj danvih, camgya guh gvaq gij hong bujcaz

dieghingz caeuq dagrau suijvwnz, caemhcaiq guh gvaq mbangj gviveh. Gyoengqde daezhawj le haujlai swhliu gig dijbauj caeuq cauh baenz le diuzgen cibfaen mizleih hawj ciuhlaeng bae haifat Dahraemxhoengz.

Bi 1973 nienzco, ciuq gij yigen Veiz Gozcingh, swcigh laebbaenz le aen Cujiq Dazyinx Gviveh Cunghab Leihyung Dahraemxhoengz, youz Couh Gvanghcunh, Vungh Cangzbuj, Cai Yungjveiz, Couh Vazbyauh, Vangz Swjboh daengj vunz gyoebbaenz, Couh Gvanghcunh dang cujcamp, Vungh Cangzbuj guh fucujcamp caeuq cujyin ranzbanhgoeng.

(caengz sat)



Funghgingj Duh’anh Deihsuh Cin.